



Sakspapir

Sakshandsamar	Arkiv	ArkivsakID
Gjermund Hagesæter	FE-150	20/511

Saksnr	Utval	Type	Dato
010/20	Arbeidsmiljøutvalet	PS	05.11.2020
018/20	Eldrerådet	PS	03.11.2020
032/20	Ungdomsrådet	PS	12.11.2020
109/20	Formannskapet	PS	24.11.2020
	Kommunestyret	PS	

Kommunebudsjett 2021 og økonomiplan 2021-2024

Vedlegg:

Budsjett 2021 og økonomiplan 2021-2024 taldel

Samla budsjettdokument 2021 rådmannen sitt framlegg

Saksutgreiing:

Bakgrunn

Rådmannen fremmar i denne saka sitt framlegg til kommunebudsjett 2021 og økonomiplan for perioden 2021-2024 i same dokument. Vurderingar og konklusjonar er i sin heilskap tekne inn som del av dokumentet.

Reduserte overføringar frå staten gjer at rådmannen legg fram eit stramt budsjett som igjen medfører færre tilsette og at enkelte kommunale tenester vert dårlegare neste år enn dei har vore til no.

Særleg ber rådmannen kommunestyret merke seg:

- Grunnbemanning i pleie og omsorg på dagtid i vekedagane vert redusert frå 5 tilsette til 4 tilsette.
- Stillinga som kommunikasjonsrådgjevar vert redusert frå 100% til 50%. (Er no vakant)
- Tilskot til ombygging av eldre bustader vert foreslått fjerna frå og med budsjettåret 2021.
- Me legg til grunn i budsjettet 2021 at utbetaling av økonomisk sosialhjelp vert noko lågare til neste år enn i år.
- Me må vurdere ytterlegare reduksjon av tal tilsette i skule og barnehage neste skuleår, mellom anna ved å sjå på organiseringa av SFO.

Tiltak og grunngjeving er nærare omtalt i budsjettframlegget.

Budsjettet 2021 er oppgjort med eit lite overskot på kr 82 000,-. Dette er langt mindre enn det KS tilrår at kommunane skal ha. I tillegg til dette budsjetterer Fedje kommune med "inntekter" frå



Fedje kommune

negativt premieavvik på totalt netto kr 1 000 000,-. Dette er ein post som i framtidige budsjett også kan gå i minus, og budsjettet 2021 burde derfor tatt høgde for det i form av eit langt større overskot.

Utsiktene etter 2021 er også krevjande. Dette gjer at rådmannen i prosessen for budsjettet 2021 har vurdert å foreslå innføring av eigedomsskatt på hytter og hus i Fedje kommune. Etter ei totalvurdering vert dette i denne omgang likevel ikkje føreslått. Også andre tiltak som kan auke inntektene er vurdert, men er ikkje inne som ein del av budsjettframlegget.

Prosess

Kommunebudsjett 2021 og økonomiplan 2021 – 2024 er grundig sakshandsama både i utvida leiargruppe, personalleiargruppa og i rådmannsgruppa. Dei hovudtillitsvalde har også blitt orientert og fått uttale seg. Dei innspela me har fått i denne prosessen er alle blitt vurdert og nokre er også tatt omsyn til. Framlegget vert sendt ut til alle folkevalde, verneombod, hovudtillitsvalde og einingsleiarar, samt vert lagt ut på heimesidene til kommunen.

Kommunebudsjettet og økonomiplanen vert sendt på høyring/uttale til eldreråd, arbeidsmiljøutval og ungdomsråd, og behandla der før saka kjem til handsaming i formannskap og kommunestyre.

Vurdering

Kommunebudsjett 2021 og økonomiplan 2021 – 2024 er så godt opplyst som mogeleg og dermed klar til politisk handsaming.

Forslag til vedtak:

Kommunebudsjett 2021 og økonomiplan 2021-2024 vert vedteke slik det ligg føre.

Eldrerådet - 018/20

ELD - behandling:

Rådmannen orienterte om kommunebudsjett og økonomiplan 2021-2024.

ELD - vedtak:

Kommunebudsjett 2021 og økonomiplan 2021-2024 vert vedteke slik det ligg føre. Samrøystes vedteke.

Arbeidsmiljøutvalet - 010/20

AMU - behandling:

Felles endringsframlegg: Kommunebudsjett 2021 og økonomiplan 2021-2024 vert teke til orientering. Arbeidsmiljøutvalet er klar over at kutta som er skissert kan få konsekvensar for arbeidsmiljøet. AMU og verneomboda vil ha eit ekstra blick på dette i det komande året.



Fedje kommune

AMU - vedtak:

Kommunebudsjett 2021 og økonomiplan 2021-2024 vert teke til orientering. Arbeidsmiljøutvalet er klar over at kutta som er skissert kan få konsekvensar for arbeidsmiljøet. AMU og verneomboda vil ha eit ekstra blikk på dette i det komande året.

Samrøystes vedteke.

Ungdomsrådet - 032/20

U - behandling:

Felles framlegg:

Ungdomsrådet tar kommunebudsjettet til orientering, med følgjande merknadar:

Prioritet 1) Me ønskjer oss ein plass å vera/ungdomsklubb

Prioritet 2) Me ønskjer oss ein ungdomskordinator, for då er det lettare å få til arrangement

Prioritet 3) Me ønskjer oss ny flytebygge eller noko anna nytt på badestranda. Ungdomsrådet kan vere med og hjelpe.

Samrøystes vedteke.

U - vedtak:

Ungdomsrådet tar kommunebudsjettet til orientering, med følgjande merknadar:

Prioritet 1) Me ønskjer oss ein plass å vera/ungdomsklubb

Prioritet 2) Me ønskjer oss ein ungdomskordinator, for då er det lettare å få til arrangement

Prioritet 3) Me ønskjer oss ny flytebygge eller noko anna nytt på badestranda. Ungdomsrådet kan vere med og hjelpe.

Samrøystes vedteke.

Formannskapet - 109/20

F - behandling:

Tilleggsforslag investeringsbudsjett, foreslått av Kamilla Bjerkholt Karlsen, Arbeiderpartiet

Sal av kommunal bustad

Fedje kommune har i dag 26 kommunale bustadar for utleige. I 2021 er det budsjettert med at tre bustadar står tomme, men det ser ut som det vert seks stykk. Fedje kommune har per dags dato ingen på venteliste. Treng Fedje kommune alle disse bustadane?

Ein del av denne bustadmassen treng sårt vedlikehald. Det er budsjettert med ein del vedlikehald, men er det nok?

Vi i Fedje Arbeidarparti vil selje ein kommunal bustad i 2021. Då styrkar vi investeringsbudsjettet og kan ta vare på den eksisterande bygningsmassen.

Endringsforslag, foreslått av Kamilla Bjerkholt Karlsen, Arbeiderpartiet

Forslag til å reversere av gratis barnehage

I dag har vi dårlige utsikter for Fedjes økonomi for 2021. Fedje Arbeidarparti meiner at det å tilby gratis barnehage ikkje er eit gode som vi har råd til akkurat no. Det kostar meir enn det vi får att. Det ble fortalt frå einingsleiar at det er fleire som har auka opp til full plass etter at tilbodet vart



Fedje kommune

gratis, men det har ikkje kommen nye barn til. Det er ei utfordring at det vert bemanna for full dekning, og at ein ikkje veit om det er behov for det eller ikkje.

At folk flyttar frå Fedje er eit stort problem, vi må ta vare på dei som allereie bur her.

Vi ønskjer at midlane skal brukast til å skape arbeidsplassar, stimulere til vekst av lokale etablerte bedrifter og eventuelt legge til rette for nye bedrifter. Derfor ønskjer Fedje Arbeidarparti å opprette eit næringsfond. Vi har meir tru på at det vil gi meir tilflytningsvekst enn gratis barnehage.

Dette blir eit næringsfond både for eksisterande bedrifter og nye etableringar.

For å kunne søke næringsfondet vil det verte krav om:

1. Bedrifta må ha kontoradresse på Fedje
2. Ved søknaden må det ligge framdriftsplan og budsjett.

I etterkant av tildelinga må søkar legge fram dokumentasjon og rapport på bruk av pengar.

Formannskapet behandlar søknadar opp til 200 000kr. Kommunestyret behandlar søknadar over 200 000kr.

Endringsforslag, foreslått av Kamilla Bjerkholt Karlsen, Arbeiderpartiet
Forslag om å reversere gratis symjebasseng

Prisen for leige av bassengnøkkel vert sett til 1000 kr. i året. Depositum vert sett til summen den er i dag.

Endringsforslag, foreslått av Hans Erik Waage, Arbeiderpartiet

På Fedje har vi tilbod om heilårsopen barnhage.

Dette gjer at dei som har born i barnehagen, kan tilpasse ferien sin. Dette er positivt for dei som ikkje kan ta ferie i fellesferien.

Samstundes er dette utfordrande for barnehagen, både i forhold til bemanning, samt ferieavvikling for dei tilsette. Budsjettet er i år, som vi veit, veldig stramt. Fedje Arbeiderparti vil stenge sommaropen barnehage i 2021, og nytte midlane ein sparar til oppretting av arbeidsgruppe for ungdomsklubb og auke tilbodet i kulturskulen.

Tilleggsframlegg til budsjettet frå Fedje Frp og Fedje høgre, foreslått av Stian Herøy, Høgre

1. Dugnadsfond har vært en suksess

Fedje kommune vil sette av 50.000 til dette i 2021. Det skal stimulere til frivillig innsats og dugnad.

Man vil få tilskot til materialkostnader.

2. Fiskeristipend

Vi vil følge dette opp med eit førsteårsstipend for fiskerilærling busett på Fedje.

Etter første året, kommer statlig tilskot.

En sak som kan skape framtid for nye fiskarar på Fedje

Kostnad inntil 50 000. Vert det meir enn ein søkjar, vert summen delt mellom desse.

3. Prosjektgrupper. Vi vil sette av inntil 50.000 til arbeidet i disse gruppene

1) Prosjektgruppe sjukeheim vert sett på vent.

2) Prosjektgruppe marknadsføring av Fedje

Denne gruppa leias av Otto Andre Nordby. Gruppa er aktiv på ulike nivå og er komme godt i gang

3) Prosjektgruppe turløype

Denne leias av Silje Gullaksen. Man har vurdert kva som førelegger av tilskotsordningar, kva som må til av kommunale planer for å få tilskot, korleis turløypen kan endras noe slik at den blir tilgjengelig for alle, plassering av gapahuk og treningsapparata, framtidig dugnadsgruppe osv.



Fedje kommune

Finansiering av desse tiltaka vil me komme tilbake til i kommunestyret.

Tilleggsforslag driftsbudsjett, foreslått av Hans Erik Waage, Arbeiderpartiet

Oppretting av arbeidsgruppe, som er med på å kartlegge lokalitet for etablering av ungdomsklubb på Fedje.

I forrige års budsjettarbeid, blei det oppretta fleire arbeidsgrupper, i tillegg vart det fokusert på barnefamiliar med tilbod om t.d. gratis barnehage. Fjorårets budsjett gløymde ungdommen på Fedje. Fedje Arbeidarparti prøvde å oppretta ein ny stilling som ungdomskoordinator. Dette fall ved votering.

Årets budsjett gjev lite rom for å fremja dette forslaget på nytt.

Ungdommen på Fedje er våre fremste ambassadørar. Det er dei me ynskjer skal kome heim att og slå seg ned med familiane sine.

Dei fleste av oss som set her, valte å flytta heim att og etablere oss, gjerne fordi vi ville at borna våre skulle oppleve ei like god oppvekst som oss sjølve.

Dette er diverre ikkje realiteten for våre born. Dei har ikkje dei same tilboda som vi hadde.

Ungdomsrådet har også sagt dette heilt tydeleg i November 2020.

Vi jobbar for at den vidaregåande skulen på Austrheim skal bestå, og vi trur det er viktig å sjå på dette i samanheng med fritidstilbodet for ungdommane på Fedje.

For å kome i gang med dette arbeidet, foreslår Fedje Arbeiderparti å opprette ei gruppe som skal jobbe med å finne ein lokalitet for ungdomsklubben. Gruppa ser på løysingar for å drifte denne med eksisterande ressursar, fram til ein eventuell ungdomskoordinator er på plass. Gruppa bør bestå av 4 representantar frå kommunestyret, og 2 representantar frå ungdomsrådet.

Gruppa får avsatt 20 000,- kroner i midlar til arbeidet.

Finansiering: Midlane vert henta frå midlar spart på sommarstengt barnehage

Oppseiing av leilighet som sjukeheimen disponerer husøyna, foreslått av Marit Solbakk Øien, Framstegspartiet

Sjukeheimen har no fått tatt i bruk det lokalet som tidlegare tannlegen brukte. Her kan det være mulighet å lage til overnatting for Pendler og for bruk til bakvakt for sjukepleier om behov.

Sjukeheimen vil med dette spare milder som Dei har no til husleiga

Tilleggsforslag driftsbudsjett, foreslått av Hans Erik Waage, Arbeiderpartiet

Kulturskulen på Fedje har lange ventelister. Dette synes vi er svært beklagelig. Slik det er no, baserer ein tilbodet kun ut frå kva kompetanse kulturskulerektor innehar. Fedje Kommune har over tid redusert kulturskulerektorstillinga frå 100 % til ca 50 % utan at det har vore eit tydeleg uttalt politisk val. Fedje Arbeiderparti ynskjer å bruke resterande midlar frå sommarstengt barnehage for å auke tilbodet i kulturskulen. Det er ynskjeleg at det blir leigd inn kompetanse der etterspurnaden er størst slik at brukarane i størst mogleg grad får det tilbodet dei ynskjer.

Endringsforslag, foreslått av Kamilla Bjerkholt Karlsen, Arbeiderpartiet

Trekk i fast godtgjersle for politikarar

I dag brukast det i overkant av 1,4 millionar kornar på politikarar i Fedje kommune. Det å vere folkevalt er eit viktig verv. Det å ha gode økonomiske ordningar for dei som tek på seg dette vervet og gjer jobben, er naudsynt. Likevel meiner vi i Fedje Arbeidarparti at når det er så tronge kår i kommunen må vi som politikarar sjå på kva vi kan gjere for å bidra.

Derfor foreslår vi å kutte 10% i dei faste godtgjersla i inneverande budsjettår:

- Fast representant i kommunestyret frå 10 000 kr/år.
- Fast representant i formannskapet frå 20000 kr/år



Fedje kommune

Dei pengane vi sparar vil vi legge til å auke overskotet i budsjettet.

Tilleggsforslag driftsbudsjett, foreslått av Kamilla Bjerkholt Karlsen, Arbeiderpartiet

Trekk i ordførargodtgjersla

Viser til kommunestyrevedtak 071/19 Stillingsstorleik og fordeling av ordførar og varaordførar 2019-2023 der vedtaket var:

«I perioden 2019-2023 vil godtgjersla til varaordførar auke frå 6 % til 10% samt at varaordførar beheldt dei faste tillegg samt møtegodtgjersla for kommunestyret og formannskap. Ordførar godtgjerast med 90 % av full ordførarlønn, mens varaordførar vil godtgjerast med 20% av full ordførarlønn.»

Fedje Arbeidarparti ønskjer å ha fulle stillingar i kommunen så langt det let seg gjere. Det gjeld også «ordførarstillinga». Vi har da ein ordførar som har 90% og etter auka som skjedde i 2019 har vi ein varaordførar i 20%. Etter det vi fekk høyre på formannskapet har varaordførar i dag desse 20 prosentane for å steppe inn om noko skulle skje som gjer at ordføraren ikkje kan stille sjølv. Fedje Arbeidarparti vil at 100% av ordførargodtgjersla går til ordførar og at varaordførar går ned frå 10% til 6% fordi han ikkje har nokre faste arbeidsoppgåver pr. i dag anna enn å steppe inn for ordføraren.

Dei pengane vi sparar vil vi legge til å auke overskotet i budsjettet.

Tilleggsframlegg investeringsbudsjettet, foreslått av Stian Herøy, Høgre

Fedje kommune bruker inntil 520 000 til kjøp av legepraksis.

Tilleggsframlegg driftsbudsjettet, foreslått av Stian Herøy, Høgre

Fedje kommune styrker SFO med inntil 300 000 som eit Koronatilskot.

Tilleggsframlegg driftsbudsjett, foreslått av Bjørn Solbakk, Framstegspartiet

Fellesframlegg frå Frp og Høgre

Faste representantar fra formannskap og kommunestyret seier frå seg dei faste honorar for 2021, og varaordførar går ned 4% for 2021.

Samla for budsjettåret 2021 utgjer dette ca. kr. 257000.-

Tilleggsframlegg investering rehabilitering av gamle hus, foreslått av Stian Herøy, Høgre

Fedje kommune vil framleis bidra til rehabilitering av gamle hus, med same sum som tidlegare, men med ei avgrensing at inntil 2 for støtte per år. Finansiering: Bruk av fond.

Rådmann, økonomisjef og einingsleiarane orienterte om sine budsjettområde 24.11.20.

Votering driftsbudsjett:

Tilleggsframlegg frå Hans Erik Waage (Ap) om sommarstengt barnehage.

Vedteke med 4 mot 1 røyst. Stian Herøy (H) røysta mot tilleggframlegget.

Tilleggsframlegg frå Hans Erik Waage (Ap) om arbeidsgruppe ungdomsklubb.

Samrøystes vedteke.



Fedje kommune

Tilleggsframlegg frå Hans Erik Waage (Ap) om auke budsjett kulturskulen.
Samrøystes vedteke.

Tilleggsframlegg frå Kamilla K.Karlsen (Ap) om å reversere gratis barnehage.
Framlegget falt med 3 mot 2 røyster. Arbeiderpartiet sine 2 representantar røysta for sitt tilleggframlegg.

Tilleggsframlegg frå Kamilla K.Karlsen (Ap) om å reversere gratis svømmebasseng.
Vedteke med 4 mot 1 røyst. Stian Herøy (H) røysta mot tilleggframlegget.

Tilleggsframlegg frå Kamilla K.Karlsen (Ap) om trekk i godtgjersle politikarar.
Tilleggsframlegg frå Kamilla K.Karlsen (Ap) om trekk i ordførargodtgjersle.
Tilleggsframlegg frå Bjørn Solbakk (Frp) om trekk i godtgjersle politikarar og ordførargodtgjersle.
Arbeiderpartiet trakk sine vedtaksframlegg i debatten. Framlegget frå Bjørn Solbakk vart vedteke samrøystes.

Tilleggsframlegg frå Stian Herøy (H) om vidareføring av dugnadsfond.
Samrøystes vedteke.

Tilleggsframlegg frå Stian Herøy (H) om fiskeristipend.
Framlegget falt med 3 mot 2 røyster. Stian Herøy (H) og Bjørn Solbakk (Frp) røysta for sitt tilleggframlegg.

Tilleggsframlegg frå Stian Herøy (H) om vidareføring av prosjektgrupper.
Samrøystes vedteke.

Tilleggsframlegg frå Stian Herøy (H) om mellombels styrking av SFO.
Samrøystes vedteke.

Tilleggsframlegg frå Marit Øien (Frp) om pendlarbustad.
Framlegget falt med 3 mot 2 røyst. Marit Øien (H) og Bjørn Solbakk (Frp) røysta for tilleggframlegget.

Votering investeringsbudsjett:

Tilleggsframlegg frå Kamilla K.Karlsen (Ap) om sal av kommunale bustader.
Forslaget vart trukke i debatten. Nytt framlegg: Formannskapet ber om det blir lagt frem ei sak på sal av kommunale bueiningar så snart som råd. Samrøystes vedteke.

Tilleggsframlegg frå Stian Herøy (H) om avsetning til kjøp av legepraksis.
Samrøystes vedteke.

Tilleggsframlegg frå Stian Herøy (H) om rehabilitering av gamle bustader.
Samrøystes vedteke.

Til slutt vart det røysta samla over kommunebudsjett 2021 og økonomiplan 2021-2024.
Samrøystes vedteke.

F - vedtak:



Fedje kommune

Kommunebudsjett 2021 og økonomiplan 2021-2024 vert vedteke slik det ligg føre, med følgjande endringar:

På driftsbudsjettet:

1) På Fedje har vi tilbod om heilårsopen barnhage.

Dette gjer at dei som har born i barnehagen, kan tilpasse ferien sin. Dette er positivt for dei som ikkje kan ta ferie i fellesferien.

Samstundes er dette utfordrande for barnehagen, både i forhold til bemanning, samt ferieavvikling for dei tilsette. Budsjettet er i år, som vi veit, veldig stramt. Fedje Arbeiderparti vil stenge sommaropen barnhage i 2021, og nytte midlane ein sparar til oppretting av arbeidsgruppe for ungdomsklubb og auke tilbodet i kulturskulen.

Fedje kommune bruker inntil 520 000 til kjøp av legepraksis.

Vedteke med 4 mot 1 røyst. Stian Herøy (H) røysta mot tilleggframlegget.

2) Oppretting av arbeidsgruppe, som er med på å kartlegge lokalitet for etablering av ungdomsklubb på Fedje.

I forrige års budsjettarbeid, blei det oppretta fleire arbeidsgrupper, i tillegg vart det fokusert på barnefamiliar med tilbod om t.d. gratis barnehage. Fjorårets budsjett gløymde ungdommen på Fedje. Fedje Arbeiderparti prøvde å oppretta ein ny stilling som ungdomskoordinator. Dette fall ved votering.

Årets budsjett gjev lite rom for å fremja dette forslaget på nytt.

Ungdommen på Fedje er våre fremste ambassadørar. Det er dei me ynskjer skal kome heim att og slå seg ned med familieane sine.

Dei fleste av oss som set her, valte å flytta heim att og etablere oss, gjerne fordi vi ville at borna våre skulle oppleve ei like god oppvekst som oss sjølve.

Dette er diverre ikkje realiteten for våre born. Dei har ikkje dei same tilboda som vi hadde.

Ungdomsrådet har også sagt dette heilt tydeleg i November 2020.

Vi jobbar for at den vidaregåande skulen på Austrheim skal bestå, og vi trur det er viktig å sjå på dette i samband med fritidstilbodet for ungdommane på Fedje.

For å kome i gang med dette arbeidet, foreslår Fedje Arbeiderparti å opprette ei gruppe som skal jobbe med å finne ein lokalitet for ungdomklubben. Gruppa ser på løysingar for å drifte denne med eksisterande ressursar, fram til ein eventuell ungdomskoordinator er på plass.

Gruppa bør bestå av 4 representantar frå kommunestyret, og 2 representantar frå ungdomsrådet.

Gruppa får avsatt 20 000,- kroner i midlar til arbeidet.

Samrøystes vedteke.

3) Kulturskulen på Fedje har lange ventelister. Dette synes vi er svært beklagelig. Slik det er no, baserer ein tilbodet kun ut frå kva kompetanse kulturskulerektor innehar. Fedje Kommune har over tid redusert kulturskulerektorstillinga frå 100 % til ca 50 % utan at det har vore eit tydeleg uttalt politisk val. Fedje Arbeiderparti ynskjer å bruke resterande midlar frå sommarstengt barnehage for å auke tilbodet i kulturskulen. Det er ynskjeleg at det blir leigd inn kompetanse der etterspurnaden er størst slik at brukarane i størst mogleg grad får det tilbodet dei ynskjer.

Samrøystes vedteke.

4) Prisen for leige av bassengnøkkel vert sett til 1000 kr. i året. Depositum vert sett til summen den er i dag.



Fedje kommune

Vedteke med 4 mot 1 røyst. Stian Herøy (H) røysta mot tilleggframlegget.

5) Dugnadsfond. Fedje kommune vil sette av 50.000 til dette i 2021. Det skal stimulere til frivillig innsats og dugnad. Man vil få tilskot til materialkostnader.

Samrøystes vedteke.

6) Prosjektgrupper. Vi vil sette av inntil 50.000 til arbeidet i disse gruppene

-Prosjektgruppe sjukeheim vert sett på vent.

-Prosjektgruppe marknadsføring av Fedje

Denne gruppa leias av Otto Andre Nordby. Gruppa er aktiv på ulike nivå og er komme godt i gang

-Prosjektgruppe turløype

Denne leias av Silje Gullaksen. Man har vurdert kva som førelegger av tilskotsordningar, kva som må til av kommunale planer for å få tilskot, korleis turløypen kan endras noe slik at den blir tilgjengelig for alle, plassering av gapahuk og treningsapparata, framtidig dugnadsgruppe osv.

Samrøystes vedteke.

7) Faste representantar fra formannskap og kommunestyret seier frå seg dei faste honorar for 2021, og varaordførar går ned 4% for 2021.

Samla for budsjettåret 2021 utgjør dette ca. kr. 257000.-

Samrøystes vedteke.

8) Fedje kommune styrker SFO med inntil 300 000 som eit Koronatilskot.

Samrøystes vedteke.

På investeringsbudsjettet:

1) Fedje kommune bruker inntil 520 000 til kjøp av legepraksis.

Samrøystes vedteke.

2) Formannskapet ber om det blir lagt frem ei sak på sal av kommunale bueiningar så snart som råd.

Samrøystes vedteke.

3) Fedje kommune vil framleis bidra til rehabilitering av gamle hus, med same sum som tidlegare, men med ei avgrensing at inntil 2 får støtte per år. Finansiering: Bruk av fond.

Samrøystes vedteke.

Til slutt vart det røysta samla over kommunebudsjett 2021 og økonomiplan 2021-2024.

Samrøystes vedteke.